

POZIV ZA PRIJAVE

UČEŠĆE U PROGRAMU MENTORSTVA ZA ŽENE BUDUĆE STRUČNJAKINJE U CYBER SIGURNOSTI

Misija OSCE-a u Bosni i Hercegovini provodi program mentorstva za žene, buduće stručnjakinje u oblasti cyber sigurnosti. Cilj programa je osposobiti, povezati i osnažiti žene u oblasti cyber sigurnosti, povećavajući rodnu i dobnu raznolikost radne snage u oblasti cyber sigurnosti, kako u javnom tako i u privatnom sektoru te podsticati profesionalnu i akademsku izvrsnost u ovoj oblasti. Odabrane kandidatkinje će, uz podršku iskusnih mentorica iz oblasti cyber sigurnosti, imati priliku da steknu znanja i vještine kroz praćenje rada (tzv. 'job shadowing'), učešće na radionicama, umrežavanje, studijske posjete i učešće na događajima u organizaciji Misije OSCE-a u BiH, čime će unaprijediti svoje sposobnosti kao stručnjakinje u oblasti cyber sigurnosti.

Da li ste zainteresovane za cyber sigurnost i želite da napredujete u ovoj oblasti?

Program mentorstva za žene, buduće stručnjakinje u oblasti cyber sigurnosti, nudi priliku za sticanje znanja, jačanje karijernih mogućnosti i doprinos jačanju kapaciteta u oblasti cyber sigurnosti u Bosni i Hercegovini.

Tražimo deset jako motiviranih žena iz Bosne i Hercegovine koje će:

- ✓ Sticati znanja i vještine iz oblasti cyber sigurnosti kroz praćenje rada (tzv. 'job shadowing'), radionice, studijske posjete i učešće na događajima u organizaciji Misije OSCE-a u BiH;
- ✓ Dobiti profesionalnu obuku od iskusnih mentorica i pristup mreži profesionalaca u oblasti cyber sigurnosti;
- ✓ Sarađivati s kolegicama i stručnjakinjama, razmjenjujući iskustva i jačajući rodnu inkluziju u sektoru cyber sigurnosti kroz radionice, okupljanja i predavanja.

Ko se može prijaviti?

Prijaviti se mogu žene koje imaju prebivalište u Bosni i Hercegovini. Kandidatkinje trebaju imati izražen interes za oblast cyber sigurnosti, motivaciju za razvoj vještina u ovoj oblasti i spremnost da aktivno učestvuju u programu mentorstva. Radno poznavanje engleskog jezika je obavezno a prethodno iskustvo u oblasti cyber sigurnosti ili relevantnim studijima su poželjni, ali nisu obavezni.

Deset kandidatkinja bit će podijeljeno u dvije grupe, a mentorstvo će se realizovati u dva ciklusa od po četiri mjeseca. Kandidatkinje će se obavezati na individualne radne sesije s mentoricama, prisustvo organizovanim radionicama i zajedničkim studijskim posjetama. Troškove putovanja i druge povezane troškove studijskih posjeta će pokriti Misija OSCE-a u Bosni i Hercegovini.

Kao dio prijave, molimo Vas da dostavite CV i motivaciono pismo, u kojem ćete naglasiti svoje iskustvo, interes za oblast cyber sigurnosti, motivaciju i spremnost na učešće u programu.

Prijave pošaljite na e-mail adresu: vildana.delalic-elezovic@osce.org.

Rok za slanje prijava je **1. april 2025. godine do 17:00 časova**.

Odabrane kandidatkinje će dobiti detaljne informacije o programu nakon završetka procesa odabira.

Napomena: Učešće u mentorskom programu zahtijeva posvećenost i spremnost na ulaganje vremena i truda u proces učenja.

Zašto se prijaviti?

- ✓ Dobit ćete personalizovano mentorstvo od iskusnih stručnjakinja iz oblasti cyber sigurnosti.
- ✓ Upoznat ćete se sa globalnim trendovima i najboljim praksama u ovoj industriji.
- ✓ Učestvovat ćete u specijalizovanim radionicama sa ekspertima iz oblasti cyber sigurnosti.
- ✓ Proširit ćete svoju profesionalnu mrežu i otvoriti nove mogućnosti za dalji razvoj u karijeri.

Ne propustite jedinstvenu priliku da ubrzate svoju karijeru u oblasti cyber sigurnosti kroz stručno mentorstvo i ciljani razvoj vještina!